

## Blachi di instruccion 2 Planta un mata



Ta pertenece na actividad 3.3

### Bo yiu ta siña:

- Planta un mata.

### Bo tin mester lo siguiente:

- Internet y un device pa por wak e siguiente pelicula:
  - o '18 Awesome Hacks to Grow Your Plants' (mira webpage Whizz-Art – Instruccion pa mayor – Tema 3b).
- Cuater webo, caha di webo, simia.

### Kico bo ta haci cu bo yiu:

#### STAP 1. WAK PELICULA

Wak e pelicula hunto cu bo yiu.

#### STAP 2. LAGA MATA CRECE

Laga bo yiu scoge un di e tecnicanan di e pelicula y aplic'e. Laga bo yiu wak kico ta pasa tur dia y lag'e pinta loke e ta mira.

#### STAP 3. MATA DEN UN CASCA DI WEBO

Prik un buraco den e parti bol (e parti abou) di cada webo cu un pines. Cu hopi cuidou, bati e top di e webonan cu un cuchiu chikito. Basha e webonan den un scalchi y hasa of cushina platonan dushi cu nan. Pone e cascanan di webo, cu e parti habri boca abou, den un baki di horna y pone nan horna pa mas o menos 4 minuut den un forno keinta di antemano na 170 °C pa haci nan limpi. Laga e cascanan fria ful y pone nan despues cu e parti habri ariba den e caha di carton.

Yena e cascanan te mas o menos mita cu tera, pone un simia den cada casca di webo y tap'e cu poco tera. Haci e tera poco humedo y pon'e den un luga cu tin claridad (no directamente den solo). Check dos biaha pa dia si e tera ta suficiente humedo. Si bo mata ta grandi suficiente, bo por planta e mata cu e casca den tera den hofi of den un pochi di flor. Kibra e casca di webo si un poco  
den e tera,  
asina e  
reisnan por  
haya  
espacio pa  
sigui  
crece.

